



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e - mail: info@voda.ba

Broj: **30-863-14/19**

Sarajevo, 7.10.2019. godine

Int. br. nabavke: **30-148-52/19**

Na osnovu člana 69. stav (2), tačka e) i člana 70. stavovi (1),(4) i (6) Zakona o javnim nabavkama BiH (Službeni glasnik BiH, broj: 39/14), i člana 47. Statuta Agencije za vodno područje rijeke Save, Sarajevo, donosim

ODLUKU

**o poništenju postupka javne nabavke radova: "Uređenje obala rijeke Sane na dionici Gradski most - Sklop u općini Ključ",
Otvoreni postupak
Obavještenje o nabavci br .: 1132-1-3-101-3-107/19**

Član 1.

Poništava se postupak javne nabavke radova: **"Uređenje obala rijeke Sane na dionici Gradski most - Sklop u općini Ključ"**, zbog toga što su cijene svih prihvatljivih ponuda znatno veće od osiguranih sredstava za predmetnu nabavku.

Član 2.

Za izvršenje ove odluke zadužuje se **Sektor za realizaciju projekata** Agencije za vodno područje rijeke Save, Sarajevo.

Član 3.

Ova odluka će se objaviti na web-stranici www.voda.ba.

Član 4.

Ova odluka stupa na snagu danom donošenja.

Obrazloženje

Ponuđač Ganić d.o.o. nije ispunio sljedeće kvalifikacione uslove:

- U tački 3.1 d) I. predmetne t.d. je traženo uspješno iskustvo kao osnovnog ugovarača u realizaciji najmanje 2 (dva) ugovora čija su karakter i kompleksnost isti ili slični onima koje se odnose na predmetnu nabavku u predhodne 3 (tri) godine ili od datuma registracije, odnosno početka poslovanja, ako je ponuđač registriran, odnosno počeo s radom prije manje od tri godine, čija kumulativna vrijednost mora biti vrijednosti jednake ili veće od procjenjene vrijednosti nabavke. Ponuđač je dostavio dvije potvrde o uspješno izvedenim radovima iz kojih se vidi da je Ponuđač bio angažovan u svojstvu podugovarača, a ne osnovnog ugovarača, kako je traženo predmetnom t.d., iz čega je Komisija zaključila da Ponuđač ne zadovoljava uslov propisan tačkom 3.1 d) I. predmetne t.d.

- Za g. Unijat Mladena Ponuđač nije uspio dokazati 10 god. radnog iskustva na poslovima koji su u vezi sa predmetnom nabavkom. U listi referentnih poslova Ponuđač je za g. Unijata naveo iskustvo od 2015. do 2018. godine.

Ponuđač HRNČIĆ KOP d.o.o. KLJUČ nije ispunio sljedeće kvalifikacione uslove:

- Ponuđač nije dostavio spisak lica koja će biti angažovana na poslovima koji su predmet ove j.n., a što je traženo tačkom 3.2 d) II. 3.

- Za g. Petar Vujanić u listi referentnih poslova su navedeni poslovi od 2012. do 2019. god., te ne ispunjava uslov iz tačke 3.1 d) II. 1. (10 godina radnog iskustva na poslovima koji su u vezi sa predmetnom nabavkom).

- Za g. Suad Šabić u listi referentnih poslova su navedeni poslovi od 2015. do 2019. god., te ne ispunjava uslov iz tačke 3.1 d) II. 1. (10 godina radnog iskustva na poslovima koji su u vezi sa predmetnom nabavkom).

Ponuđač STRUKTURA d.o.o. JAJCE nije ispunio sljedeće kvalifikacione uslove:

- Za g. Faruk Isović nisu dostavljene potvrde privrednih subjekata (Izvršioca predmetnih usluga) kod kojih je bio angažovan na izradi predmetnih referenci nabrojanih u listi referentnih poslova kojima se dokazuje 10 godina radnog iskustva na poslovima koji su u vezi sa predmetnom nabavkom. Naime, potvrde koje su dostavljene odnose se na period od 2018. do 2019. godine.

Također, za g. Ivan Miketa nisu dostavljene potvrde privrednih subjekata (Izvršioca predmetnih usluga) kod kojih je bio angažovan na izradi predmetnih referenci nabrojanih u listi referentnih poslova kojima se dokazuje 10 godina radnog iskustva na poslovima koji su u vezi sa predmetnom nabavkom. Potvrde koje su dostavljene odnose se na period od 2011. do 2013. god.

S obzirom da je cijena jedine prihvatljive ponude ponuđača PRIJEDORPUTEVI AD PRIJEDOR znatno veća od osiguranih sredstava za predmetnu nabavku, a e aukcija se nije mogla zakazati upravo zbog toga što je samo jedna ponuda prihvatljiva, Komisija je smatrala da niti jedan ponuđač ne ispunjava uslove za zaključenje ugovora o javnoj nabavci.

Na osnovu navedenog, a zbog toga što su cijene svih prihvatljivih ponuda znatno veće od osiguranih sredstava za predmetnu nabavku, odlučeno je kao u dispozitivu.

PRAVNA POUKA:

Učesnik u postupku, koji nije zadovoljan ovom odlukom, može u roku od 10 (deset) dana od dana prijema ove odluke izjaviti žalbu zbog povrede odredaba Zakona o javnim nabavkama.

Žalba se podnosi u najmanje 3 primjerka Agenciji za vodno područje rijeke Save, Sarajevo. Žalilac je obavezan platiti naknadu za pokretanje žalbenog postupka u iznosu od 2.000,00 KM (član 108. stav (1) tačka c) Zakona o javnim nabavkama BiH).

Dostaviti:

- Ponuđačima
- Sektor za ekonomske, pravne i opšte poslove
- Sektor za realizaciju projekata
- a/a



DIREKTOR

Sejad Delić
Sejad Delić / dipl.inž.